

(7)  
LATINA LINGUA  
ADHUC VIVIT, ET AUGERI POTEST.

ORATIO


JACOBI SERAFINI

RHETORICÆ

IN SEMINARIO UTINENSI

PROFESSORIS

*Habita v. Kal. Augusti 1795:*



UTINI MDCCXCVI.

APUD HIERONYMUM MURERO:



SUPERIORUM PERMISSU.



# PETRO ANTONIO GEORGIO

## ARCHIEPISCOPO UTINENSI

JACOBUS SERAFINUS

F.

*E*A fuit quavis aetate conditio litterarum, ut tum maxime vigerent, cum illarum dignitatem Principes viri auctoritate sua atque praesidio tuerentur. Non est, cur veterem Graciam, & Latium proferam, aut ceterarum nationum monumenta commemorem, cum recens & domesticum habeamus exemplum ad intuendum. Nam dicere majores natu non semel audiui, Provinciam hanc doctissimorum hominum copia semper affluentem fuisse, & bodie esse videmus, ut nihil in omni doctinarum genere cuiquam Civitati concedat. Cur porro ad illud studiorum genus tam accensi accurrerunt? Est hoc illis laudi tribuendum; siquidem eam unam sibi viam unitam ad gratiam, atque adeo ad honores perspiciebant. At liceat & mihi nunc de litterulis nostris quidpiam proferre: Poterantne ipsa meliori tempore in lucem prodire, quam cum tu, Praesul amplissime, celsissimam hanc dignitatis & honoris Sedem teneres, quo Auspice optimo & praestantissimo erigunt sese, atque confirmant? Constitueram sane, nihil typis committendum, nisi eas, quas habui, orationes, quibus nostrorum Antistitum laudem praedicandam suscepi. Neque tum quidquam timebam, etsi terrores jaflarentur, qui periculum denunciarent. Etenim ut de te potissimum loquar, cui proxime haec Metropolis divinitus est data, an tuam integerrimam vitam, flagrantissimum religionis studium, singulare ingenium omni disciplinarum varietate exornatum, humanitatem denique incredibilem, quantum fieri per me poterat, prosequi non debebam memoria diuturna posterorum? Facere tum nempe malui periculose, quam officio deesse. Hanc vero orationem, privatim in tuo Seminario habitaam, qua latinam linguam adhuc viventem esse, & augeri posse confirmo, etsi eo consilio conscriptam, ut adolescentes, qui in nostram disciplinam traditi sunt, ad laborem & laudem magis magisque excitarem, nunquam tamen in aspectum protulissem,

nisi tua singularis erga studia pulcherrimarum artium esset benevolentia plane perspecta & cognita. Nemo est enim, qui aut praeclara ingenii tui monumenta legerit, aut te ipsum in principe hujus Civitatis templo perorantem audierit, quin admiraretur, quae tua sit gravitas in dicendo, qui splendor optimorum verborum, quae ubertas & copia rerum, quae concitatio animorum. Quapropter lucubratiunculam hanc, notis quibusdam illustratam, summa animi alacritate ad te deferò cum ex oratoria facultate imprimis nobilem & clarum, tum propugnatorem quoque amantissimum: eamque deferri existimato, ut non modo tuae voluntati, cui jam pridem me totum devovi, morem geram; verum etiam ut pro maximis tuis in me beneficiis quamdam grati animi significationem exhibere possim. In quo illud unum a te majorem in modum peto, ut quem antea in tuam fidem summa benignitate recepisti, hunc me posthac retineas, tuoque praesidio sic tuearis, ut me tuum esse perpetuo sentiam.

# ORATIO



Isferam funestamque video fuisse Latinæ linguæ fortunam. Postquam enim industria quadam incredibili veterum hominum præstantissimorum vix tandem fuerit plene cumulateque perfecta: sic tamen a domestico nitore brevi annorum spatio (1) deflexit, ut nullum prope vestigium pristinae dignitatis retineret. Neque id tantummodo dolendum, ornatisimi viri, verum etiam illud conquerendum multo magis, quod ab interitu Imperii Romani, etrusco sermone paulatim enascente, e vivis sublata esse existimetur. Quod cum in animis hominum jam inveterarit, tum a nobis permulti requirunt, cur in tanta italorum scriptorum copia, in tanta italæ linguæ suavitate ac venustate, quæ in Foro dominatur, in Academiis regnat, in Concione triumphat; peregrinum tamen sermonem maximopere consecremur, neque peregrinum modo, sed jam pridem extinctum & conscriptum.



(1) Latinitatis tempora in certas ætates veluti hominis vitam docti viri distribuunt, in infantiam nempe, adolescentiam; virilem ætatem, & senectutem. Hac super re Facciolatus in suo de lat. ling. comment. p. 24. inquit: *adolescentiam excepit virilis ætas, hoc est absoluta illa & constans latine lingua elegantia, gravitas, & pulchritudo: sed, ut fere solent maxima bona, cito intercidit, & in senium prolapsa est. A Cicerone enim cum cepisset, idest ab extremis Romana libertatis temporibus, vix ad tertium Imperatorem pervenit.*

Vereor in hac causa id, quod dicturus sum, ne mirum fortasse auditu cuiquam videatur, cum opinionem hanc tam pervagatam, & tam penitus insitam convellendam susceperim. Dicam tamen paullo liberius, & quæso, ut hanc veniam mihi hodierna die tribuatis, ut vel mirificam rem, & periculosæ alex plenam pro vestra benignitate patiamini in medium adduci. Quam veniam cum & Græci quondam sæpiissime obtinuerint, & Romani Carneadeum morem secuti interdum sibi vindicarint, hanc vos veteri exemplo mihi libenter daturus confido.

Quamquam, nisi me amor suscepti negotii fallit, illud vere mihi videor posse profiteri, latinam linguam, etsi gravi morbo fuerit, eoque diuturno conflictata, nunquam tamen extinctam penitus (2) fuisse, atque e numero viventium exturbatam. Hoc enim tanquam fundamento posito & constituto, perficimus profecto multo facilius, ut teterrima labe, quam omnium gentium litteris & disciplinis Alambertius ille doctissimus cæteroqui vir, sed plus æquo sautor Gallorum suorum, inferre moliebatur, qui patrium (3) duntaxat loquendi genus, a matribus exhaustum, a nutricibus una cum lacte expressum, excolendum ducebat, alpium vallo, & Rheni fossa gurgitibus illis redundanti constricta teneatur.

In hominum doctissimorum atque eruditissimorum cœtu loquor, in quorum sapientia atque humanitate causam totam repono, ac tua potissimum, Archipræsul amplissime, qui eidem maxime favere debes. Nam cum in omni litterariæ reipublicæ parte præclarum decus sis & ornamentum, tum in latinarum



(2) Hieronymus Ferrius in Epist. lib., quem contra Alambertium conscripsit pag. 70. affirmat, a multis doctissimis hominibus, ac præsertim a Lamio non minus eruditione, quam elegantia spectatissimo existimari, latinam linguam nunquam ita jacuisse, ut mortua dicenda sit.

(3) Alambertius princeps illorum, qui in Gallia hanc controversiam excitant, negat ullam aliam linguam præter nativam nos ita scire posse, ut recte ea scribamur. Hinc vehementer contra latinos invectus est, eosque multis modis exagitavit. Quem confutat Hier. Ferrius eodem libro pag. 33.

litterarum facultate singularem quandam laudem tuam esse positam videmus. Pergratum itaque me facturum puto, cum latinitatem, quam gravissimam atque ornatissimam quandam fuisse cognovi, superstitem adhuc esse, & cum dignitate vigentem pro mei ingenii exiguitate defendo: ut cum hoc docuero, tum illud deinde ostendam, quod summopere requiri intelligo, posse novo quodam verborum genere pro rerum opportunitate augeri atque amplificari, quin nobis metuendum sit, ne non latini sermonis conservatores & videamur, & simus. Ardeo enim, mihi credite, incredibili quodam harum optimarum artium amore, qui me amor cogit expetere, & omnibus, ut dicitur, velis remisque contendere, ut cum etrusca oratio alatur hic & corroboretur, tum latinitas, quæ omnium doctrinarum est veluti firmamentum & robur, quo decet ornatu & cultu florescat.

Sed antequam ad rem ipsam venio, de hujus linguæ calamitate pauca dicam, cujus in hac causa dignitatem violari quidam homines criminantur, quod equidem crimen in me conjectum gravissimum judico. Etenim minorem, (4) ajunt, nobilissimæ linguæ injuriam fieri, si acerbo interitu deletam esse & consepultam, quam si vixisse contempta vita & sordida fateamur. Itane infamiam quamdam & labem suscepisse videatur, quod eam venustatem homines aliquando non conservarint, quam ipsa a majoribus accepit, nec iis ornamentis usi sint, quibus magnificentissime redundabat? Cum enim bellica Romanorum virtus ad ultimam prope terræ plagam Imperii fines protulisset, cumque ipsi exterarum nationes, quo magis sibi devinctas tenerent, jure Latii & civitate (5) donassent, e quorum nu-



(4) Hæc Jacobi Facciolati objectio est: ait enim in commen. de lat. ling. pag. 25. *Sunt qui ad Gordianum usque, non desunt qui etiam ad Constantinum latina linguæ atatem producant. Sed minorem sane nobilissimæ linguæ injuriam facit, qui eam interivisse, quam qui lutulenter vixisse putat.*

(5) Quam multis post Augusti tempora singillatim aut confestim prorsus absque discrimine jus Civitatis daretur, patet ex historia. De Claudio, qui Imperium obtinuit an. Ch. 54., Dio

mero seu publici, seu privati negotii obeundi causa Romam frequens multitudo confluebat, partim etiam in curiam inducebantur, & magistratus inibant; quid enim conquerar alienis interdum vel Imperii summam esse transmissam? Tum profecto factum est, ut in Italia incorruptam patrii sermonis integritatem barbarie infusa externis oblinitam moribus & contaminatam doleremus. Quid deinde contigisse arbitramur in illa omnium teterrimarum gentium (6) defectione, tum cum non jam ut amici atque focii, sed permagno conflatu exercitu in Italiam venerunt, atque in ea ipsa armorum vi oppressa se-

~~~~~  
ita scribit lib. 60. Itaque jus illud magna quondam pecunia venditum adeo tum vile factum est, ut vulgo jactatum fuerit, etiam si quis alicui vasa vitrea confracta dedisset, civem Romanum fore. Hac de causa dilectis agitatus Claudius. Seneca etiam hunc irridet ludo de morte ejusdem his verbis: Sed Cloto, ego mebercule, inquit, pusillum temporis adjicere illi volebam, dum hos pauculos, qui supersunt, Civitate donaret. Constituerat enim omnes Græcos, Gallos, Hispanos, Britannos, Sauromatas, & si qui ultra glaciale boream incolunt Barbari, rogatos videre.

(6) Ob Barbarorum in Italiam incurSIONES, quæ initio sæculi quinti fieri cœperunt, italum idioma, quidquid aliter Castelvetrus, ejusque affectu effutiant, natum esse videtur. Ita Beimbis lib. della volgar lingua edit. Veneta apud Franciscum Hertzhaufer inquit p. 13. La nostra volgar lingua quando e in che modo nacque ella? Il quando, rispose M. Federigo, sapere appunto, che io mi creda, non si può, se non si dice, che ella cominciamento pigliasse infino da quel tempo, nel quale incominciarono i Barbari ad entrare nella Italia, e ad occuparla: e secondo che essi vi dimoravano, e tenner più; così ella cresceffe, e venisse in istato. Del come non si può errare a dire, che essendo la Romana lingua, e quella de' Barbari tra se lontanissime; essi a poco a poco della nostra ora une, ora altre voci, e queste troncamente e imperfettamente pigliando, e noi apprendendo similmente delle loro, se ne formasse in processo di tempo, e nascessene una nuova, la quale alcuno odore e dell'una e dell'altra ritenesse, che questa volgare è, che ora usiamo.



dem rerum suarum ac domicilium una cum conjugibus atque liberis collocarunt? At fortunæ ista tela fuerunt, fuit injuria hominum, non pulcherrimæ linguæ turpitudine. Ejus quinimo laudem haud mediocriter illustro, cum post Romani Imperii occasum atque interitum tot incommodis affectam atque debilitatam non omnino intercidisse confirmo. Quemadmodum enim arbor non bipenni obruncata, nec evulsa radicitus, etsi foliorum omne ornamentum tempestatis impetu sit humi constratum, veris tamen adventu turgescit denuo, & viridantes florum gemmas diffundit: sic & latinitatem judico potuisse a præstantissimis viris non modo extolli jacentem, verum etiam ad pristinam ejus dignitatem prope restitui.

Non itaque ab illa Imperii Romani atroci clade fortuna etiam latini sermonis pendebat, quem præstantior Respublica ac divina veluti suum & proprium cum recepisset; ab eodem ipso miseram illam, teterrimamque calamitatem propulsavit. Quæ autem Respublica præstantior ac divina? Ecclesiam Romanam dico, quam non deletit communium temporum vis, non profligatorum hominum conjuratio, non illuvies immanium barbarorum.

Hic quæso, ornatissimi viri, auream illam, quam vocant, ætatem mecum tantisper in memoriam revocate, ut veterum, & nostrorum temporum contentione facta causam universam planius perspicere possitis. Non equidem dubito, qua de re (7) libentius nonnulli disputant, quam verius, quin eodem infima

b



(7) Hac de controversia ita Bembo eodem lib. pag. 10. Ho udito dire alcuna volta, che la nostra vulgar favella stata sia eziandio favella medesimamente volgare a' Romani, con la quale tra essi popolarescamente si sia ragionato, come ora si ragiona tra noi. Quam opinionem ibidem variis rationibus refellit. Castelvetrus etiam apud Bembum eodem loco in suis notis hæc habet: Ora passando alla seconda disputa, che era se la lingua volgare nostra fosse, o non fosse al tempo, che il Comune di Roma era in istato, e si-gnoreggiava il Mondo ..... Si sa, che Lionardo Aretino fu di questa opinione, se vogliamo prestar fede al Filelfo, e al Poggio; o che gli fu ciò falsamente apposto, se vogliamo credere a Lorenzo Valla, o fosse malizia, o fosse ignoranza de' suoi avversarij.

multitudo plebis Romanæ fermone uteretur, quo cives ingenui & liberaliter educati; illud tamen pro certo sciant omnes, hunc emendatum atque e schola perpolitum, illum rudem fuisse & vitiis redundantem. Satis est quidem in illo populo tam agresti quondam & tam inculto inscriptionem commemorare in rostrata columna incisam, quod monumentum non jam puerili, sed adulta urbis ætate Cajo Duilio Consuli, devictis navali pugna Carthaginensibus, in foro primum, in Capitolio deinde ad memoriam posteritatis fuit constitutum, vel alteram L. Scipioni decretam, qui Corsicam difficillimam insulam summa virtute superavit. Quarum utraque est admodum impolita & plane rudis, ut legi quidem, vix tamen ut res possit intelligi: quæ profecto inveterata loquendi forma, ne tum quidem, cum Latium maxime floreret, e rusticorum (8) moribus potuit omnino deleri. Atque idcirco idem ipse rebus omnibus cumulatus orator M. Cicero, cum sui æquales ad veræ & solidæ facundiæ laudem & celebritatem adhortaretur, eosdem a pravissima consuetudine populari deterrebat.

At nunc vero ab infimæ plebis temeritate, atque ab urbano



(8) Sermonem, quo Romani ab urbe condita usque ad annum 261. utebantur, *borridum* appellat T. Livius lib. 2. cap. 37. Facciolatus in com. de latina ling. refert inscriptionem Scipionis, qui fuit Consul an. ab Urbe condita 494; quam silentio prætermittendam non esse duxi. Inscriptio autem est hujusmodi: *Honc. oino, Ploirume. Consentione. duonoro. optumo. fuisse. viro. Consul. Censor. Ædilis. hic. fueta. Hic. cepit. Corsica. Aleriaque. Urbe. Hoc est: hunc unum plurimi consentiunt bonorum optimum fuisse Virum. Consul, Censor, Ædilis hic fuit. Hic cepit Corsicam, Aleriamque Urbem. Nec nisi post bellum Achæicum, quod paucis ante M. Tullium annis gestum est, lingua ex-culta fuit. Itaque Horatius l. 2. Ep. 1. v. 155. inquit:*

*Gracia capta ferum victorem cepit, & artes*

*Intulit agresti Latio . . . . .*

*. . . . . Sed in longum tamen ævum*

*Manserunt, hodieque manent vestigia ruris.*

*Servus enim græcis admoovit acumina chartis.*

streptu imperitorum ad optimates, ut ita dicam, est latinitas redacta, in quorum scriptis non modo, sed ore etiam maxima cum dignitate versatur. Atque ut omittam, quanti faciendum sit, ab hac ipsa Scripturam sacram auguste sancteque conservari, quæ maxime obtinet divinarum litterarum auctoritatem: hanc unam esse cunctis ritibus sacrorum totius ferme populi Christiani devinctam: ab eadem etiam omnem prope doctrinam majorum ad nos esse profectam, quam tanquam hæreditatem debemus retinere: ut hæc omittam, nonne lex ipsa, quam videmus auctoritate Conciliorum & Pontificum promulgatam, ne cui Sacerdotii dignitas tribui possit, qui durior ad hæc studia videatur, latino sermoni perpetuitatem immortalitatemque donavit? Quam id porro decebat! Quam Religionis amplitudo postulabat! Quæ cum omnes omnium gentium partes complexa sit, tum par (9) erat, ut uno genere verborum divinam suam ac propriam doctrinam disseminaret, gregem universum una voce erudiret, depravatorum hominum, qui novis rebus studebant, temeritatem sic condemnaret, ut quid hæc sentiret, & diceret, omnes planissime viderent. An quispiam hoc loco infimæ plebis Romanæ homines, qui embæneticam faciebant; aut illum bajulorum gregem requirat, quorum alii navigiorum trajectu, alii rebus hac illac deportandis laboriosam vitam tolerabant? Nullo autem numero habeat præclara sapientia viros, qui hac nostra etiam ætate in omnibus oppidis Italiæ, & in universa prope Europa gravissimarum artium disciplinas dicendo

(9) Bergierius in eo libro, cui titulus, *Encyclopédie Méthodique Théologie Tome Second Seconde Partie, art. Langue*, inquit: *L'unité de langage est nécessaire pour entretenir une liaison plus étroite & une communication de doctrine plus facile entre les différentes Eglises du monde, & pour les rendre plus fidèlement attachées au centre de l'unité catholique*. Huc pertinent, quæ habet Honoratus Tournely, ubi agit de Sacram. in genere To. 6. pag. 260. *Cum Ecclesia una sit, & membra ejusdem corporis communi quodam Societatis vinculo colligari debeant, sapienter omnino institutum fuit, ut ea lingua sacra celebrentur, quæ commercium Ecclesiarum non impediat.*

( 10 ) exponunt , quorum splendida & illustris est oratio ? An veterem propolam atque cupam & tabernarios comissatores exoptet , qui intempestivam loquacitatem epulis confectam & madentem vino in multam noctem producebant , quos vindices legitimi sermonis profiteatur ? Omnem vero juventutis florem negligat , & pro nihilo putet , qui cum palæstram frequentant , tum omnibus de rebus strenue disputando inter se concertant , quorum ego nunc corona stipatus magnopere lætor ? Quid cum non privatim tantummodo , sed in hoc ipso nobilissimorum & litteratissimorum hominum conventu cum iis qui dissentiunt , aut qui personam adversariorum sustinere videntur , summa alacritate congredi non dubitant , quibuscum modo differendum , modo omni ratione pugnandum sit ? Quid cum ipsi Sacerdotio exornati , antequam universo gregi pro locorum opportunitate præponantur , de morum disciplina quidquid in medium allatum fuerit , audiente Antistite & disceptante , ex tempore sententiam dicunt suam ? Qui tum ardor animi , quæ virtutis contentio , quæ expectatio suffragiorum !

Quod si vivens ea lingua debet nominari , quam aliqua tenuis regio , & parva insula , & rus vel in montium angustiis positum suam sibi & propriam dicavit : de latina dubitare debemus , quam majores nostri religionæ tutam nobis & sanctam esse voluerunt ? Præsertim cum locum videamus in orbe terrarum prope nullum , quo in loco populi Christiani nomen sit , quo non accesserit , & tanquam in suo domicilio stabili ac certo consistat , splendidioribus etiam in oppidis summo splendore enitescat . Adeste quæso , & dicite cives , an sit ulla omnibus



( 10 ) Quod necessario fieri debet . Nam ut ait Hieron. Ferris Ep. 1. contra Alambertium : *brevi , lingua ( latina ) repudiata , qua non parum laboris in se habet , cuncta sive sacra , sive profana , nil nisi populare quiddam & plebejum sonabunt . Et Ep. 30. Quod si quando nostri in eam opinionem venerunt , ut facultates graviores italo sermone pertrahendas judicarent ; usus & experientia fecit , ne in sententia perseverarent , iterumque ad latinum quam celerrime confugerent , qui unus reliquus est , qui apud omnes & colatur & celebretur .*

in terris hæc nostra communior, quam Itali in eo regno nati, ubi alta atque educata fuit, veluti parentem venerantur: Galli intelligunt, & laudare possunt, at non domestico sermone æmulari: Germani vero nativa asperitate ac duritie commoti admiran- tur: omnes denique gentes amant, in quibus viget discipli- na litterarum, sic ut antiquum morem retineant, retinebuntque semper, ut a latinitate non desciscant.

Nolim tamen cæteris nationibus quidquam sit detractum ora- tione nostra, Italæ præsertim, dicam etiam Gallicanæ, etsi in illa turbida temporum fortuna nunc versetur: vernaculum illis tribuo litterarum usum, non adimo sermonis leporem, non uberem facultatem dicendi, si qua etiam alia desumunt, non repugno. Itaque diligant se Itali: at illud cum animo cogitent nullam esse linguam provinciarum, nationum, orbis terrarum nec varietate rerum, nec ornatissima orationis gravitate, nec numero clarissimorum scriptorum hæc nostra affluentior. Etenim non Italia modo, quæ ipsam aliquando jacentem, & animam prope efflantem erexit, sed Afri, Illyrici, Hispani, Angli, immo vero & Moschi, & Sarmatæ ad ejus dignitatem de- fendendam mirifica consensione conspirasse videntur. In quo minime jam admiror, quandoquidem hisce posterioribus tempo- ribus non solum in Peguano illo, & Siamensi regno, nec non in vastissimo Sinarum Imperio hæc studia peregrinentur, sed Americanorum quoque sylvestrem feritatem demulceant, quos Oceano interfuso extrema tellus dirimit.

Jactent etiam se Galli & magnifice circumspiciant, non ita tamen ut nativa dulcedine exultantes Latinæ linguæ ingrati vi- deantur, non ut hujus exuviis ornati, eandem Alambertio du- ce ab hominum consuetudine, atque adeo a suis sedibus pro- pe convulsam deturbent: quam charissimam habemus, cum præstantiam rueatur disciplinarum, ornet sua suppellectili, splen- dore illustret, temperet suavitate. Quanquam, pace enim di- cam Magni Alambertii, spectamus nos profecto aliquid amplius.

Quapropter hominem conveniatis velim, auditores, in sua zotheca inclusum, & sese totum in gravissimarum rerum stu- dia ingurgitantem, qui frontem modo sinistra manu pèrfricat, ungues interdum & calamos rodit, fudat, impallefcit. Quid agis, optime vir? Qui labor? Quæ contentio? An communi ho-

minum utilitati inservis? Ita est profecto, inquit. Atque idcirco majoribus nostris præcipuam laudem gratiamque debes, quod ipsorum auctoritate est factum, ut ad omne genus litteratorum, etsi tam varii sint, & tam distantibus in locis constituti, præclari ingenii tui fructus redundaret. An nominis famam & celebritatem expetis? Justam gloriam, præmium veræ virtutis honestissimum, non recuso. Hanc vero latius & magnificentius diffundes, si orationis pulchritudinem gravitatemque sententiarum omnes gentes attingere & degustare possint. An immortalitatis amore desflagas? Illa, illa, inquam, latinitas extat, quæ cum rerum & temporum commutationem non extimescit, vigeat memoria sæculorum omnium, quam posteritas alet, quam ipsa religio, quæ quidem erit sempiterna, semper tuebitur.

Quorsum hæc disputo? Ut intelligatis latinam linguam non modo funere clatam non esse, sed robustis viribus, optimo habitu, & firma valetudine uti, quandoquidem in hominum litteratorum ore & scriptis versatur, atque ita versatur, ut nulum mihi dubium sit, quin augeri, cum opus fuerit, & possit, & debeat.

Atque hæc non eo dico, quo immoderatam quorundam hominum intemperantiam comprobare videar, qui superioribus temporibus, etsi eleganter & honorifice quæ vellent, quæque sentirent, eloqui potuissent, incredibilem tamen copiam verborum ex ultima barbarie comparatam, antiquis certe quidem Romanis non exauditam protulerunt. Quod evitare omnino debemus: id fateor, & addo etiam omnibus gentibus hoc esse perficiendum, tum vero maxime nobis, qui in Italia vivimus, ut antiquam linguæ integritatem pro virili parte in possessione nostra retineamus. Etenim nostri sunt illi fontes, qui in agro Arpinate, qui in Venusino, qui in Mantuano beatissima Augusti ætate orti sunt, & aureis quodammodo arenis toram Italiam usque ad hanc memoriam sæcundarunt; e quibus fontibus, qui perenniter fluunt, plurima haurire quisque possit, ut unamquamque rem propemodum illustret conscribendo, & eorum qui legerint mirifica animos voluptate devinciat.

Illud vero non intelligo, quamobrem novis opibus latinitatem amplificare, cum rerum natura postulat, nobis sit denega-

tum . Ubinam veterum instituta ? Ubi illa æquitas juris ? Ubi illa antiqua libertas ? Quam Cæcilio primum & Plauto tributam , Virgilio deinde & Flacco non ademptam cognovi ; quam a maioribus acceptam Cicero potissimum sibi vindicavit . Qua amplissima potestate cum veteres illi liberrime uterentur , an nobis suis posteris hanc præcidendam existimabant , perinde quasi futura ( 11 ) quam longissime providerent , atque idcirco patrium sermonem tantopere locupletarint , ut multis post sæculis ad rerum omnium & naturam & conditionem posset facillime accommodari ?

Quamobrem cum Dei optimi maximi religionem veneremur , veterum sacrorum populi Romani dissimillimam , dissimillimam dico ? Quid enim sanctius ? Quid augustum magis , atque a concelerata delubrorum superstitione longius alienum ? Cumque singulis prope disciplinis & superiori memoria nova quædam accessio facta sit , & quotidie magis in vulgus emanent permulta ante hoc tempus inaudita : an existimare debemus , latinam linguam ab Ecclesia , & a sapientum cœtu ea lege retentam & conservatam , ut eadem partim duntaxat rerum suarum in me-



( 11 ) Cicero pro A. Cæcina n. 18: *An hoc , inquit , dubium est , quin neque verborum tanta copia sit non modo in nostra lingua , qua dicitur esse inops , sed ne in alia quidem ulla , res ut omnes suis certis ac propriis vocabulis nominentur ?* Audiamus , & Melchiorum Cefarottum celeberrimum in Patavina Universitate Professore , qui in eo libro , cui titulus , *Saggio sopra la lingua Italiana* , inquit par. 1. n. 6. *Niuna lingua è ricca abbastanza , ne può assegnarsi alcun tempo , in cui ella non abbia bisogno di nuove ricchezze . Le arti , le scienze , il commercio presentano ad ogni momento oggetti nuovi , che domandano d' esser fissati con nuovi termini . Lo spirito reso più sagace e più riflessivo raggira le sue idee sotto mille aspetti diversi , le suddivide , ne forma nuove classi , nuovi generi , ed aumenta l' erario intellettuale : come lavorarci sopra senza vocaboli aggiustati , che si prestino alle operazioni dell' intelletto ? E' dunque un operar direttamente contro l' oggetto e 't fine della lingua il pretender di toglierle con un rigor Musulmano il germe della sua intrinseca fecondità .*

dium proferrent ; partim vero , quoniam ab antiquis Romanis idoneam novis rebus transmissam vocem non habemus , aut jacerent in tenebris , aut alio sermone perspicua in luce , & omnium conspectu ponerentur ?

Exiit enim Galilæus in Italia , in Anglia Baco de Verulamio , Helmontius in Belgio , in Gallia Gassendus . Longum est persequi cæteros , Cartesium , Hervæum , Bartolinum , Malpighium , Leibnitium , Neutonum , idque gloriosum Litterariæ Reipublicæ fuisse tam multos . Neque singuli homines tantummodo , verum etiam societates quædam celeberrimæ & gravissimæ , quas ratio studiorum devinxit , ita Meteorologiam præsertim , & Anatomen , & Mathesim meditando investigando experiundo auxerunt atque exornarunt , ut non illæ quidem olim fuisse minores , sed vix omnino fuisse videantur .

Ac ne forte e multis rem unam valde amœnam transiliat oratio , quid tam novum ( 12 ) tamque inusitatum , quam quod genus hominum , non jam ut Poetæ memoriæ prodiderunt , ceratis Dædali pennis , aut Phaethontis curru , sed levi quadam reapse constructa machina altius evolando volucrum regionem percurrat , ut qui antea maritimos fluctus , nunc & aerem vicisse videretur . Quam rem & reges ipsi , & principes viri , &



( 12 ) Queret quispiam fortasse , cur e philosophicis disciplinis potius quam ab Ecclesiæ institutis exemplum harum rerum desumpserim . Quia non libuit ad eruditionis non necessariæ pompam altius evagari . Cur enim antiquis Ecclesiæ vocabulis disputationem refercirem , cum jam certum sit & omnibus notissimum , ea fuisse a majoribus religioni dicata . Ego enim illud ostendendum suscepi , omnia vocabula necessario religioni dicata latinitatis naturam induisse . Atque idcirco exemplo uti volui recentissimo ( nam areostatici globi experimentum factum est Parisiis in campo Martio an. 1783. ) exemplo , inquam , recentissimo , in quo novam vocem nondum latinitate donatam reperire , quam ego ipse , vel potius sapientes viri , apud quos oratio habebatur , e barbariæ tenebris ereptam , latinam redderent , atque ad latinarum litterarum lucem & splendorem transferrent . Id feci , quod Horatius sibi faciendum duxit , cum hæc



populus frequens, nos item ex parte in hac Civitate non modo vidimus, sed etiam omni studio visendam putavimus. Quam ipsa tamen exitum habeat non disputo, talem certe ut non memoria deleatur. At si latinis litteris ( videant enim, qui novis vocibus bellum importunissimum intulerunt, quam confidenter dicam; audeo vero fretus humanitate vestra ) si latinis, inquam, litteris id commendari ad omnium posterorum gratiam & voluptatem velimus: vos profecto illud ( 13 ) Gasi

c

præcepta in arte poetica traderet; inquit enim v: 50.

*Fingere cinēstutis non exaudita Cethegis*

*Continget.*

Ubi poeta, ut observat Juventius, vocem *cinēstutis* non usitatam de industria usurpat pro *cinēlis*, *accinēlis*, *strenuis*, & *expeditis*. Neque vero ab artis oratoriæ præceptis discedebam: hic enim animadvertas velim argumentum a minori ad majus. Nam si nobis licet hodierna die in rebus physicis recens latinum nomen proferre, quanto magis in divinis mysteriis, ritibus, ac cæremoniis exprimendis idipsum & superioribus temporibus Ecclesiæ licuit, & semper, cum opus fuerit, licebit, cui uni potissimum latinitas salutem suam debet.

( 13 ) Ab Helmontio in clavi ad obscuriorum sensum referandum ita Gas definitur: Gas est spiritus seu exhalatio sylvestris, qua nec coerceri, nec coagulari valet, e rebus fermentantibus tanquam materia inimica eructata, & incautos saepe enecans: estque vel minerale, in cryptis subterraneis, Gas sylvestre per excellentiam dictum: vel in aere, ut Gas ventosum, vel in vegetabilibus, ut Gas cervisiae & vini fermentantis, vel in artificialium effervescentia exhalans, ut vapores rubri ex aqua chrysulca, aliisque solutionibus salinis exsurgentes. Capite vero Gas aqua legitur: Gas & Blas nova quidem sunt nomina a me introducta, eo quod illorum cognitio veteribus fuerit ignota: attamen inter initia physica Gas & Blas necessarium locum obtinent. Ita ille: & sane hoc nomen Gas ejusmodi est, ut sine eo hac ætate nemo de chymicis rebus, multisque scientiis, & artibus aut loqui, aut scribere recte possit. Nam vir quidam<sup>†</sup> apprime eruditus, qui in hac Civitate experimenta harum rerum & privatim, & publice

nomen e teutonicis oris deductum in hac ipsa re explicanda non gravate pateremini. Equidem sedulitatem ac diligentiam requiro adversariorum, ut vetustum ex Latio nomen recentissimo scriptori suppedient. Quid extimescunt, quid reformidant? Si quidem poterit inveniri, quod bene cogitent, laudo, quod indicent, erit per mihi gratum.

Videant quinimo quem in locum semetipfos deducant. Faciendum est ipsis nempe, ut sapientissimorum hominum debilitent virtutem, industriam acerrimam & singularem retardent, incensam cupiditatem comprimant, citius dixerim, omnino restinguant, ne subtilius imposterus rerum naturam pervestigent. Quod cum præstare nullo modo possint, quandoquidem inter eos etiam qui nascentur, eodem ardebunt studio homines, sic ut nunquam conquiescant, tum imprimis hanc facultatem tribuamus oportet, ut quidquid perscrutantur, id communi scriptorum lingua possint dicendo explicare. Etenim si ab inferis esset excitandus vel idem ipse, quem Romanæ facundiæ parentem omnes ad Cælum extollunt, a nostrorum temporum legitima consuetudine non abhorreret, ne illum turpiter obmutescentem litteræ admirarentur, a quo se & ornatas antea & honorificentissime amplificatas esse meminissent.

Ecquis, inquirunt, cupiditatem illam insitam atque innatam circumscribat? Novam tamen vocem, qua tantopere gloriamur, ad latini nominis amplissimam dignitatem non extolli. O impudentiam singularem! Quos tandem viros contemnunt, ac summam per injuriam lacesunt? Eos nempe, qui etsi libertatem hanc neque dimiserunt unquam, neque dimittent, prædicari se tamen latinitatis laude, & nominari volunt: universum quinimo sapientum cætum contemnunt, & lacesunt, penes quem

~~~~~  
 exhibere solet, hæc mihi die quadam in sermone iniecit: *La parola Gas l' hanno estesa i Chimici per dinotare qualunque fluido aeriforme, anzi la stessa aria purissima vitale, cui dicono Gas ossigeno. Nè si può prestindere parlando de' fluidi aeriformi dell' aggiunto Gas; perchè chi dicesse semplicemente ossigeno, indicherebbe la sola base dell' aria vitale. Altrettanto si dica del Gas azoto, del Gas nitroso, del Gas idrogeno, o infiammabile &c.*

judicium de novitate verborum majores nostri esse voluerunt. Atque idcirco cum illud Gasi nomen proferebam, ne posthac communem usum repugnantem viderem, postulabam equidem sensum vestrum, ornatissimi viri, intuebar vultum, auctoritatem vestram denique tentabam ipsam, an latinis litteris illud adsciscendum judicaretis. Etenim si quis vocem (14) pro re nata & verecunde & moderate procrearit, & doctissimorum hominum studium & favor accesserit: hanc latina lingua non modo non repudiat, verum suo sinu complexuque recipit, & more vetustissimo sibi vindicat, & suam esse ac propriam fatetur. Ut enim quæ in falsum mare flumina decurrunt, sive Caspium illud sit, sive Tyrrhenum, eorum tamen fluctuum, quibus commiscuntur, conditionem & cognomen suscipiunt; sic vocabula communi adscita scriptorum judicio, gymnasiis, & palæstræ dicata optimo jure tueri debemus, ut non ab aliis huc allata, sed e natali Cælo & nostro prope emerferint. Idque adeo concedendum est magis, præsertim cum latini sermonis natura ab exterorum idiomatum acervo primitus orta sit & derivata, nedum incrementum maturitatemque suam inde compararit. Ne-

C 2



(14) Nunquam tritum illud Horatii effluat e memoria nostra, qui in arte poetica v. 58. inquit:

*Licuit, semperque licebit*

*Signatum præsentis nota producere nomen.*

Quæres, quidnam sit illa usitata nota & forma, qua voces ut nummi signantur. Est analogia, proportio, & similitudo cum vocibus aliis usitatis, est doctorum consensus, est præsentis ævi usus, quem penes, ut ait idem poeta, est jus & norma loquendi. Quare Melchior Cesarottus lib. supra comm. p. 6. inquit: siccome nella lingua parlata il maggior numero de' parlanti è quello, che autorizza un vocabolo, così nella scritta una voce o una frase nuova non può essere condannata a priori sulle leggi arbitrarie e convenzionali dei Grammatici, ma sull' accoglienza, che vien fatta ad esse in capo a qualche tempo dal maggior numero degli scrittori, intendendo sempre di quelli, che hanno orecchio, sentimento, e giudizio proprio, non di quelli, che sono inceppati dalle prevenzioni di una illegittima autorità.

queo veterem illam (15) percensere coloniarum varietatem, quæ e tot nationibus, antequam Roma conderetur, in Italiam se contulerunt, e quibus tandem populi Romani conflata fuit multitudo: attamen veteres illi nonne multa e Sabinis, ab Etruscis nonnulla, e Gallis (16) deinde, & Hispanis (17), atque ut Persas (18), & Phœnices (19) prætermittam, quot vocabula



(15) Vide Petrum Marcellinum Corradinum c. 1. & 2. de primis antiqui Latii colonis, & de populis, & urbibus veterum Latinorum. Vide etiam Jo: Nicolaum Funccium, qui tractatu de origine latinæ linguæ probat, latinam linguam barbaram origine fuisse, ideoque similem auctoribus suis, qui ex variis nationibus in Italiam confluerunt, ac primos e Germania colonos in Italiam venisse.

(16) In urbe Roma Sacerdotes Dæ Cybeles Galli nuncupabantur, quia, ut scribit S. Hieron. in c. 4. Ofeæ: *Romani solebant, homines gentis Gallicæ Dæ Cybele mancipare*: Secus sentiunt alii: illud tamen ex historia certum est, variis temporibus varios Galliæ populos in Italiam venisse, in eaque condescisse. Atque ut alicujus vocis, quam ab hac gente Romani sumpserunt, exemplum asseram, est illud Virgilii l. 8. v. 660: *virgatis lucent sagulis*. Servius enim hunc locum explicans in notis ad Virg. editione Veneta apud Jo: Baptistam Paschaliū an. 1736. inquit: *& bene adhusit ad Gallicam linguam, per quam virgæ purpura dicitur. Virgatis ergo ac si diceret purpuratis*.

(17) Ab Hispania populi Sicani ante Trojanum bellum in Siciliam migrarunt; nam Virg. l. 5. Æne. ait: *Undique conveniunt Teucri, misique Sicani*. Vocem *Gesa*, quæ significat leve teli genus, quam alii gallicanam esse volunt, unde Galli quidam ab hoc genere hastilis Gæsetæ dicuntur, sentit clarissimus Delrius com. ad Sen. Hippol. v. 110. *esse origine Hispanam*. Hanc Virg. Romanis litteris adjecit l. 8. v. 662: *Duo quisque Alpina coruscant gesa manu*.

(18) Nomen *Gaza*, quæ significat opes & divitias, a Persis sumpsit idem Virgilius; ait enim l. 1. Æn. v. 123: *Troja gaza per undas*. & l. 5. v. 40: *Gaza laus agresti*.

(19) Phœnices profecti a mari rubro varias in Hispania,

Deus immortalis! e Græcis adscita posterioribus temporibus suam in Civitatem plaudente Latio receperunt? Qui etsi vernaculum sermonem ita perfectum & elaboratum nobis transmiserunt, ut elegantius (20) nihil sperare posse videamur, at pristinam liber-

Gallia, Africa, aliisque provinciis urbes condiderunt. Aretium Urbs Etruriæ est nomen à Phœnicum lingua derivatum, nempe ab Aretz, quæ vox argillam significat, atque ita urbem illam vocarunt ob insignem loci argillam, ut scripsit Dempsterus. Item Cariaram aliud Etruriæ oppidum est phœnicia vox derivata à Chariat Civitas, & Aára mons. Quæ civitas ita vocata fuit, quod ad montes sita sit, ut observat Grotius ad c. xxiii; Genesios.

Neque opponas has voces hebraicas esse. Nam Hebræorum; Phœnicum, & Chananæorum sermonem unum esse eundemque probant Bochartus, Huetius, Valtonus, aliique. Vide Calmet. To. i. dissertat. de lingua primæva in comment. in Bibliam p. xxii. in notis. In cujus dissertationis fine hæc habet: *Chananais, alio nomine Phœnicibus, auctoribus factum est, ut Hebraicus longe lateque per Africam ceterasque fere omnes insulas Mediterraneæ atque maritimas ejusdem freti regiones propagaretur. Quod Romani fecerunt, qui exterarum linguarum vocibus linguam suam locupletarunt, idem nostris etiam temporibus in quolibet lingua fieri vellet Franciscus Baco de Verulamio; inquit enim in suo de augmentis Scientiarum lib. 6. c. 1. Illa demum, ut arbitramur, foret nobilissima grammatica species, si quis in linguis plurimis tam eruditus, quam vulgaribus eximie doctus, de variis linguarum proprietatibus tractaret; in quibus quæque excellat, in quibus deficiat ostendens. Ita enim & linguæ mutuo commercio locupletari possint; & fiet ex iis, quæ in singulis linguis pulchra sunt, (tanquam Venus Apellis) orationis ipsius quædam formosissima imago & exemplar quoddam insigne ad sensus animi rite exprimendos.*

(20) Neque his adversantur, quæ Melchior Cesarottus habet lib. supra commemorato p. 17., ubi inquit: *Quindi in una Nazione colta, ricca, scienziata, fornita d'arti, e di commercio tanto più la lingua si accosta alla perfezione, quanto più*

tatem a majoribus proditam retinere liceat, fin minus dignitatem: nisi forte velimus in tam affluenti rerum copia, domestico fecunditatis fonte intercluso, in orationis siccitate versari.

Quamquam quid est, cur libertatem duntaxat conservari dicam? Sint in singulari gloria veteres illi, omni sermone celebrantur, nulla ut immemor ætas obmutescat: erit tamen inter illorum famam aliquid loci etiam laudi posterorum. In quo est operæ pretium Græcorum Patrum virtutem recordari. Neque enim D. Basilium a scribendo deterruit Demosthenis, & Platonis amplitudo, nec D. Joannem Chrysostomum splendor Æschinis, & Theophrasti lepor prope divinus, nec duos Gregorios vero Nazianzenum, & Nyssenum venustas Isocratis retardavit, ut eos

~~~~~  
*si dilunga dalle prime epoche: cosicchè non dubiterò d'asfermare, malgrado l'apparenza di paradosso, che la lingua latina per esempio era a miglior condizione nel secolo degli Antonini, che in quello di Augusto. Etenim ego de styli elegantia loquor, qui est forma scribendi unicuique auctori propria. De qua præstantissima styli elegantia, quæ optimis Augusti temporibus viguit, nullum dubium esse potest. Quis enim ignorat, eos scriptores, qui aurea illa ætate vixerunt, tantum inter cæteros omnes caput extulisse, quantum lenta solent inter viburna cupressi. Cefarottus vero non de scriptorum stylo, sed de populari lingua loquitur a nobilibus etiam viris & ingenue educatis fando usurpata. Quæ tamen si definienda sit, est sermo vel potius sermonis forma unicuique genti peculiaris, ut inquit Joannes Scapula explicans græcam vocem *Glottan*. Videant porro Eruditi, num Antonini Imperatoris tempore melior necne, quam Augusti ætate latinæ linguæ, idest latini sermonis forma fuerit. Equidem illud unum scio, Imperatores, qui ante Antoninum regnarunt, partim quidem Romanos fuisse, sed militiæ addictos, & apud exterarum nationes a pueritia inter arma educatos, ut Cajus Julius Cæsar Germanicus, de quo Tillemont To. 1. parte 1. p. 115. ait: *il est certain qu'il fut élevé tout petit dans la Germanie, & dans le camp parmi les soldats*: partim verò omnino fuisse alienigenas. Nam M. Ulpus Trajanus, qui Imperium obtinuit an. Ch. 98, & ejus successor Adrianus*

porissimum honoris causa nominem, qui græcam linguam jam multo ante locupletissimam perfectissimamque nova & varia suppellectili pro ingeniorum suorum beatissima ubertate ornarunt. Ita multis continget profecto, ut ad veterum latinorum inclytam famam quam proxime accedant. Quid? Nonne sæculo sexto & decimo, quo litteræ squalore situque deterso quasi postliminii jure in possessionem antiquam & primævam lucem sunt restitutæ, ita latinitas floruit, & ita splendescit hac quoque nostra ætate, quæ tot viros protulit, partim quorum jam de vita decesserunt, nec necesse est quemquam nominari vobis, cum ipsi recordemini, partim etiamnum supersunt, e quorum numero in hac urbe præclara nonnullos, atque in hoc ipso

erant natione Hispani; item Antoninus ipse Nemausienſis erat e Volcis provincia Gallorum. Quare mihi occurrunt, quæ Castelvetus in notis ad Bembum animadvertit p. 13. Inquit enim: *Già erano stati alcuni Imperadori stranieri e ignorantì, appressò i quali senza dubbio aveano luogo genti similmente straniere e ignorantì; i quali Imperadori co' suoi Cortigiani parlavano senza dubbio il parlar volgare, e non il puro latino.... Laonde essendo durata la successione degl' Imperadori così fatti alquanti anni, non fu maraviglia, che la nobil favella primiera si dileguasse del tutto dalla contrada Romana, ed in suo luogo sotentrasse la vile, che si usava tra' Maggiori della Corte. Dalla qual lingua gli scrittori di que' tempi si guardarono il più che poterono, raccogliendo dagli scrittori de' secoli passati molti modi be' di dire, e parole. Il che però non potè loro venire così ben fatto, che per lo stilo loro non si comprenda chiaramente, che lo splendore del chiaro linguaggio era già offuscato generalmente ancora nelle bocche nobili?* E quibus verbis illud colligo non tam a vocabulorum multitudine, quam a recta forma loquendi optimam cuiusque linguæ conditionem pendere. Ita sane: nam & M. Cicero olim quintum Cæciliū irridebat Divinat. in C. Verrem, quod litteras Græcas Lilybæi non Athenis, latinas in Sicilia non Romæ didicisset, quia nempe Attici, & Romani eleganter, Lilybætani vero, & cæteri Siculi pessime loquebantur. Quævis itaque lingua nummis comparari posse videtur. Nummi autem siquid habent

amplissimo confessu intuemur, ita splendescit, inquam, ut Augusti ætas refloruisse quodam modo videatur? Quare vos latinitatem hanc, varia quidem superioribus temporibus usam fortuna, nunc vero florentem, vos præclara juvenus ab hujus ævi splendore non degeneraturi, integerrime conservate. Eam linguam retinete, in qua omnia religionis nostræ sunt veluti in Sacrario quodam reposita, quæ est litteratorum omnium communis, quæ in omnibus fere gentibus viget, & apud eos quoque, a quibus neque attingi, neque gustari sensu potuit, in pretio est & honore, eam ipsam pro virili parte retinete, si in re tanta non humana modo, sed divina etiam commendatio debet esse: neque committendum, ut peregrina insolentia

nitoris, id omne mutantur a recto usu. Unde Cassiod. agebat: *Divitis auri vena similis est reliquæ terra, si jaceat: usu crescit ad pretium.*

(21) Huc pertinent quæ scripsit auctor opusculi nuper editi, cui titulus: *Elogio dell' Ab. Clemente Sibiliato P. P. di belle lettere ed Accademico di Padova.* Ille enim in laudem tanti viri, qui anno superiore fati concessit, hæc habet p. 16: *All' ampiezza delle cose corrispondeva in lui anche nelle improvvisate orazioni una latina eleganza, quanta pochissimi poterono ottenere anche scrivendo. Ciò solo avrebbe bastato a convincere coll' esempio quanto scrisse già il Sig. d' Alembert contro la latinità de' moderni, avendosi studiato di provare non esser possibile cosa il giunger a possedere con perfezione il più non vivo idioma del Lazio . . . . Nè già Clemente il convinse col proprio esempio, ma altresì col ragionamento facendo dalla Cattedra una sensata confutazione di quanto in tale materia scrisse il letterato Francese, degnissimo di ritrovare fra i dotti Italiani, che il confutarono un critico giudizioso al pari di Sibiliato. Ben meritava però egli l' eccitamento datogli da molti dotti, onde tal lavoro colle stampe si propagasse, e giungesse alle mani stesse del Sig. d' Alembert. Idem auctor in notis opusculo additis p. 37. n. 44. refert ea, quæ Sibiliatus ipse in hanc rem scripsit in comment. de vitâ & studiis Josephi Torelli. Sibiliatus itaque ita Torellum laudat: *Illum ego unum ex triaristis latinæ legionis apud no-**